

**ՄԱՅՐ ԱԹՈՒ Ս. ԷԶՄԻԱԾՆԻ
ՅԱՐԳԱՆՔԻ ԽՕՍՔԸ ԵՐՈՒԱՆԴ ՄԵԼՔՈՆԵԱՆԻ
ԹԱՐՄ ՅԻՇԱՏԱԿԻՆ**

Ամենայն Հայոց Կաթողիկոս Ս. Տ. Գարեգին Ա Վեհափառ Հայրապետը, Մայր Աթոռու Միաբանությունը, Գերագույն Հոգևոր Խորհուրդը, Գերագույն Հոգևոր Ընտարանի Տեսչությունը, դասախօսական կազմը և ուսանողությունը, «Էջմիածին» ամսագրի խմբագրությունը և պաշտօնէությունը խոր վշտով իմացան անսպասելի, յանկարծական մահը Ս. Էջմիածնի բազում ծառայություններ մատուցած երիտասարդ գիտնականին, դասախօսին, խմբագրին, Հայաստանի Հանրապետության դիւանագիտական անձնակազմի անդամ ԵՐՈՒԱՆԴ ՄԵԼՔՈՆԵԱՆԻ:

Նա բազում տարիներ անխառն սիրով և տքնաջան աշխատանքով իր սպասելի ընծայել Մայր Աթոռույն Սրբոյ Էջմիածնին, լինելով վաստակատու դասախօս Հոգևոր Ընտարանում և անելի քան տաաը տարիներ «Էջմիածին» պաշտօնական ամսագրին, որպէս նրա գլխավոր խմբագիրը:

Մայր Աթոռը ողջունել և գնահատել էր միշտ նրա խոր սիրով և նախանձախնդիր ոգով արտայայտած նուիրումը Հայց. Առաքելական Սուրբ Եկեղեցուն և նրա Հոգևոր Կեդրոնին՝ Ս. Էջմիածնի Մայր Աթոռին: Նրա մահով ոչ միայն կորցնում ենք մի արժէքատու քննասէրի և գիտնականի, Հայաստանի Հանրապետության Քառասարիմ սպասաւորի, որպէս առաջին արտակարգ և լիազօր դեսպան Լիբանանում, տիպար ընտանիքի ձոր, այլև Քարազատ և անձնուէր մի զաւակի Մայր Աթոռույն:

Խորազգած վշտակցութիւն ենք յայտնում նրա տիկնոջ և զաւակներին և Հայաստանի Հանրապետության Նախագահին և Արտաքին Գործոց նախարարութեան և նրա բոլոր աշխատակից գրչակից եղբայրներին և քոյրերին:

Յատուկ հոգեհամգստեան արարողութիւն կը կատարուի Մայր Տաճարում Յունուարի 7-ին, Մեռելոցի օրը:

Թող Աստուած երկնային երանական խաղաղութեան մէջ ընդունի նրա հոգին, երկար կեանք պարգևի իր ընտանիքի բոլոր անդամներին:

Վեհափառ Հայրապետը, բարձր գնահատելով Երուանդ Մելքոնեանի արդիւնաշատ գործունէութիւնը Մայր Աթոռ Ս. Էջմիածնում, նրան յետմահու շնորհեց «Ս. ՍԱՀԱԿ-Ս. ՄԵՍՐՈՂ» շքանշան:

ԴԻՒԱՆ ՄԱՅՐ ԱԹՈՒՌՈՅ

26 Դեկտեմբերի 1997

ի Ս. Էջմիածին